

Guangjisi Minzcu Bau

ganhhau: CN45-0036 B.2017 Nd.7 Ng.19 liggaueq dingyoux nienz ndwenroek ngeihroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3283期

Heiqcuengh Daihneix 《Suhgi Daih'it》 Yaek Bae Baekging Comzyienj

现代壮剧《第一书记》将进京会演

7 nyied 11 hauh banhaemh, Heiqcuengh daihneix 《Suhgi Daih'it》 youq Aen Cungsim Vwnzva Minzcuz Dwzbauj Yen yienjok, aen heiq neix youz Aen Cungsim Yisuz Ngeihyienz Ndokmax Dwzbauj Yen fucwz baizyienj, caemhcaiq youq 7 nyied 21 daengz 23 hauh daiqbiuj Guengjsae bae Baekging camgya bi 2017 daengx guek gihcwngz yendonz citheiq comzyienj. Neix dwg youq 《Lwggyoux Bauj》 bae Baekging comzyienj ca mbouj geijlai 60

bi le, Aen Duenz Heiqcuengh Dwzbauj baez daihneih bae Baekging yienjok.

Heiqcuengh daihneix 《Suhgi Daih'it》 dwg yungh gij saehsaed ndei 3000 boux ganbu maenhndei daengz 3000 aen cunh gungzhoj dang suhgi daih'it Swcigih Dangiveij bi 2014 doxdaeuj genjbaij haenx guh cauhguh beigingj, yungh gij hingzsik heiq dawz saedcej guhhong suhgi daih'it buen hwnj gwnz daizheiq bae, daengx aen heiq doed ok daegsaek

minzcuz caeuq daegsaek gizdieg, yungzhaeuj diuqfoux minzcuz conzdungj caeuq vwnzva fwen ndawbiengz maenhndei Guengjsae doengzseiz, dawz gij yenzsu ciengqgo Heiqcuengh conzdungj dox giethab, hawj daengx aen heiq yienj gij seizdaihgamj gig haenq, baijyienj le gij cingsaenz buekguh suhgi daih'it. Aen heiqmoeg neix mboujdan miz minzcuz conzdungj vwnzva yenzsu, hix miz daegdiemj cauhoq seizdaih.

(Nungz Yungifang/农永放)

SIUSIK DINJ

简讯

● 7 nyied 13 hauh, Aen Camh Doigvangq Nungzyez Gihgai Gisuz Liujcouh Si ciucomz bouxgisuzyenz miz-gyen gunghsw, bae daengz Yungzsuij Myauzcuz Swciyen Yungjloz Cin Dunghyangz Cunh banh aenban yienhcieingz songyauq nungzyez gihgaiva, doenggvaq langhbaib gaemguenj vuzyinzgih doiq doenghnaz guh doengjit fuengzre doengjit henhoh, caen'itbouh gyaak gij yisiz nungzhoh yungh gihgai gohgi sang daihneix daezsang nungzyez swngghanj yauqlwd.

(Gungh Siengjyouj)

● Mboengneix, Denzyangz Yen saeqsim guh baiz senhconz 《Denzyangz Bingzanh Bouxboux Caeuqfaenh》, nem haeuj mbanj, segih, gyaranz bae, mboujduenh guh ndei daengx yienh bingzanh huzndei cauxlaeb hozdung, mboujduenh cau'ok gij heiqfaenh daengx yienh hwnjguh huzndei bingzanh, mizyauq doicaenh bingzanh cihsiz cienzdoh, guh daengz vunzyouq singz mbanj bouxboux rox bingzanh cihsiz, hwnjguh bingzanh bouxboux caeuqfaenh.

(Vangz Gozsun)

● Geij bi neix daeuj, Lozcwngz Mulajcuw Swciyen gyalai bued cienz, mboujduenh guh ndei lijyouz giekdaej sezsih, gyavaiq hwngfat lijyouz canjnieb. Bineix byonghbi gonq, daengx yienh ciepdaih bouxhek ndaw guek rog guek 51.51 fanh vunzbaez, doengzbeij demgya 17.33%, lijyouz cungjsiufeiq 5.98 ik maenz, doengzbeij demgya 28.04%.

(Mungz Cwnghsw)

● 7 nyied 14 hauh, mbanj boux lauxsae hagseng Guengjsae Ginhyungz Cizey Gisuz Hagdangz daengz Nanzdanh Yen Bazhih Yauzcuz Yangh Laujhihcangz Cunh haiguh gyajseizhwngq “sam roengz mbanj” hozdung, bae camnai boux ndangcanz ranzungzhoj, lwgyez louz mbanj ranzungzhoj daengj 15 ranz ranzungzhoj, gyoengqde rau hezyaz hawj bouxgeq mbouj aeu cienz, senhconz gohgi cihsiz, soengq youzgwn, haeuxsan caeuq buhvaq bae hawj ranzungzhoj, vih “cinjing banggungz” ok-rengz.

(Moz Gijcauh)

Liujcouh: Gyajseizhwngq Daihhagseng Bang Son'gyauq Lwngyez Louz Mbanj Diegbya



柳州:大学生暑期 支教山区留守娃

7 nyied 13 hauh, aen doih fugsah saedhengz gwnzbiengz “sam roengz mbanj” Guengjsae Gohgi Daihhag Guenleix Yozyen daengz Yungzanh Yen Swdingj Cin Sougiz Cunh haiguh gyajseizhwngq gwnzbiengz saedhengz hozdung, haiguh bang son'gyauq hozdung mbouj aeu cienz aen singhiz he, bang son lwngyez diegbya guh cozyez, guh gohyoz sawqniemh iq, guh aen vunq gohgi daengj, lij son ancienz, vwnzva, gohbuj daengj cihsiz hawj lwngyez louz mbanj diegbya, buenx gyoengq lwngyez gvaq mbanj gyajseizhwngq miz yinx he. Ndaw doz dwg daihhagseng son lwngyez guh aen vunq giuz.

(Danz Gajjinhg/谭凯兴)

Namzningz Gyanghnanz Gih Haenqrengz Hwngfat Lajmbanj “Lijyouz+” Canjnieb

南宁江南区大力发展乡村“旅游+”产业

Bineix daeuj, Namzningz Si Gyanghnanz Gih youq cingceih daezswng vanzging giekdaej gwnzde, gaenxmaenx damqra gij banhfap lajmbanj hwnjguh laebdaeb hwngfat, doed ok daegsaek, ciuq dieg bae guh, hwngfat nungzyez lijyouzyez canjnieb, cauhoq fugsah saedcej beksingq gwnzbiengz, haenqrengz dajcauh vwnzva cin'iq, doidoengh hwnjguh “lajmbanj habyouq”.

Aen gih neix cujeiz fatdoengh Gyanghsih, Suhhih, Yenzanh sam aen cin caeuq Gai Sahcingj haiguh “bobo gvaqgvan” cienhangh hengzdoengh, haeujlaeg laebdaeb cingceih veiswng vanzging lajmbanj, gya'gvangq caeuq gyalag hozdung neiyungz. Geiqdoh daihneih daeuj, aen gih neix doed ok hong cingceih vanzging song henz

dietloh, cienzmienh baizcaz cingceih song henz dietloh diegguenleix, baujmaenh song henz dietloh 500 mij gvaengxlaengx yawj ndaej raen haenx mbouj miz nyapnyaj doxgaiq luenh cuengq, mbouj veizcangh daphwnj, mbouj veizcangh nem gvjangjgau daengj.

Aen gih neix cungfaen vatcimh caeuq haifat Yangzmeij Gujcin, Dungzsinh Cunh Muzcunhboh, Dungzyangh Cunh Sanhgyanghboh daengj conzdungj mbanj gaeuq vwnzva swnghdai lijyouz swhyenz, yungh gij biucinj caeuq iugouz ginggih gveihva hwnjguh cin gih lijyouz boiqdauq fugsah sezsih, haenqrengz cauxlaeb vwnzva canjyehingz swnghdai habyouq daegsaek cin'iq.

Linghvaih, aen gih neix lij dawz haiguh “lajmbanj habyouq” hozdung caeuq hwngfat nungzyez canjnieb yienghmoq gaenjmaed giethab hwnjdaej, cugyamq dawz Gyanghsih Yangzmeij Gujcin, Seiqgeiq Nazlangz Swnghdaiyenz, gwnhcuzboh, Namzningz Vaznanzcwngz daengj dieg lien baenz diuz sienq, caeuq rangh ginghci hamqnamz Dahyunghgyangh doengzyamq maeuzveh, doengzyamq haifat, doengzyamq hwnjguh. Doenggvaq bwhcwkw cungdenj hanghmoeg, guh ndei daezswng lijyouz gveihva, ciu lijyouz hanghmoeg caeuq cienjhingz swnggaep lijyouz canjnieb, daiqdoengh hangznieb fugsah wng hoenghvuengh hwngfat.

(Yenj Yaujyingz)